





010





林和靖先生詩集







Centimetres
TIFFEN Color Control Patches
© The Tiffen Company, 2007



Blue Cyan Green Yellow Red Magenta White 3/Color Black

Inches
1 2 3 4 5 6 7 8
1 2 3 4 5 6 7 8
1 2 3 4 5 6 7 8










林和靖先生詩集

四部叢刊集部



林和靖先生詩集叙

天聖中聞錢塘西湖之上有林君蘄，有聲若高峰深泉望之可愛，即之愈清挹之甘潔而不厭也。是時余因適會稽還訪於雪中，其談道孔孟也，其語近世之文韓李也，其順物玩情為之詩則平澹邃美，詠之令人忘百事也。其辭主乎靜正，不主乎刺譏，然後知其趣向博遠，寄適於詩。爾君在咸平景德間已大有聞，會朝廷脩封禪未及，詔聘故終老而不得施用於時。凡貴人鉅公一來，語合慕仰，低回不忍去。君既老不欲強起之，乃令長吏歲時勞問及其歿也，謚曰和

上海涵芬樓借江
安傳氏雙鑑樓藏
景明鈔本景印原
書葉心高營造尺
六寸寬四寸一分

靖先生、少時多病不娶無子諸孫大言能掇拾
所為詩請余為序先生諱通字君復年六十二其詩
時人貴重甚於寶玉先生未嘗自貴也就輒棄之故
所存者百無一二焉於戲惜哉
皇祐五年六月十三日太常博士梅堯臣撰

宋林和靖先生詩集卷之一

五言律詩

湖樓晚望

湖水混空碧憑闌凝睇
勞夕寒山翠重秋淨鳥行高
遠意極千里浮生輕一毫
叢林數未遍杳靄隔漁舸

秋日西湖閒泛

水氣并山影蒼茫已作秋
林深喜見寺岸靜惜移舟
疎葦先寒折殘虹帶夕收
吾廬在何處歸興起漁謳

上湖閒泛艤舟石函因過下湖小墅

平皋望不極雲樹遠依依
及向扁舟泊還尋下瀨歸

青山連石埭春水入柴扉多謝提壺鳥留人到落暉
西湖舟中值雪

浩蕩彌空濶霏々接水濱舟移忽自却山近未全分
凍軫間清泛溫鑪接薄薰悠然詠招隱何許嘆離群

西村晚泊

弭棹危橋外霜村乍夕陰田園向埜水樵採語空林
白鳥飛歸遠青山重複深那堪遲新月誰復賞微吟

湖村晚興

滄洲白鳥飛山影落晴暉映竹犬初吠弄舡人合歸
水波隨月動林翠帶烟微寺近踈鐘起蕭然還掩扉

湖山小隱

猿馬分清絕林蘿擁翠微步穿僧徑出肩搭道衣歸
水墅香菰熟烟崖早笋肥功名無一點何要更忘機
園井夾蕭森紅芳墮翠陰畫岩松鼠靜春塹竹鷄深
歲課非無秫家藏獨有琴顏原遺事在千古壯閑心
衡門鄰晚鳥環堵背寒崗片月通蘿徑幽雲在石床
客遊拋鄩杜漁事擬滄浪管樂非吾尚昂頭肯自方

小隱自題

竹樹繞吾廬清深趣有餘鶴閒臨水久蜂懶採花踈
酒病妨開卷春陰入荷鋤嘗憐古圖畫多半寫樵漁

小隱

門徑獨蕭然山林屋舍邊水風清晚釣花日重春眠
萬苔衣滑磷磷石子圓人寰諸洞府應合署閒仙

北山晚望

晚來山北景圖畫亦應非村路飄黃葉人家濕翠微
樵當雲外見僧向水邊歸一曲誰橫笛蒹葭白鳥飛

中峰

中峰一徑分盤折上幽雲夕照前村見秋濤隔嶺聞
長松含古翠衰藥動微薰自愛蘇門嘯懷賢思不群

小園春日

岸幘倚微風柴籬春色中草長團粉蝶林暖墜青虫
載酒為誰子移花獨乃翁於陵偕隱事清尚未相同

春夕閒詠

屐齒徧庭深若為擁鼻吟微風引竹籟斜月轉花陰
靜賞應難極孤懷自不禁蒼然小池上烟露達青岑

春日感懷

衡宇日蕭寂高春猶掩扉春風似有舊社燕亦重歸
覽照老已具開樽人向稀頽然此心曲特底屬芳菲

郊園避暑

柴門鮮人事氛垢頗相忘愛彼林間靜復茲池上涼

託心時散帙，遲客復携觴。况有陶籬趣，歸禽語夕陽。

園廬秋夕

蘭社裏，衰香開扉趣。自長寒烟宿，墟落清月上林塘。意想殊為適，形骸固可忘。援琴有餘興，聊復寄吟觴。

山村冬暮

衡茅林麓下，春色已微茫。雪竹低寒翠，風梅落晚香。樵期多獨往，茶事不全忙。雙鷺有時起，橫飛過野塘。

山中冬日

殘雪照籬落，空山無俗諠。雞寒懶下樹，人晏獨開門。廢圃春犂動，回塘霧氣昏。誰家歲酒熟，輒棹憶西村。

旅館寫懷

垂成歸不得，危坐對滄浪。病葉驚秋色，殘蟬怕夕陽。可堪踈舊計，寧復更剛腸。孤峰意深宵，一夢狂。

出曹川

詩懷動，歎嗟驢立帽。陰斜雨灑生，新蘄茅叢夾舊槎。午烟昏獨店，岡路透誰家。幾日江南興，扁舟泊岸沙。

盱眙山寺

下傍盱眙縣，山崖露寺門。踈鍾過淮口，一徑入雲根。竹老生虛籟，池清見古源。高僧拂經榻，茶話到黃昏。

留題李頡林亭

兼琴枕鶴經盡日卧林亭啼鳥舊相語幽人誰欲聽
半闌花籍白一徑草盤青何必對樽酒此中堪獨醒

翠微亭

亭在江干寺清涼更翠微秋階響松子雨壁上苔衣
絕境長難得浮生不擬歸旅懷何計是西崦入斜暉

墊城寺水亭

金井前朝事林僧問不知綠苔欺破閣白鳥占閒池
清楚曾經晉荒唐直到隋南廊一聲磬斜照獨凝思

汴岸曉行

驢僕劔裝輕尋河早行孤烟開店道平野鳴農耕

老木迴堤暗初陽出浪明羈遊事無盡塵土拂吾纓

淮甸南遊

幾許搖鞭興淮天晚景中樹林兼黑草實着霜紅
胆氣誰憐俠衣裝自咲戎寒威敢相掉獵酒旗風

聞葉初秀才東歸

高鴻多北向極目雨餘天春滿吳山樹人登汴水船
吟生千里月醉盡十囊錢
役懷鄉邑時清復少年

病中謝馮彭年見訪

老去已多病况當梅雨時山空門自掩晝永枕頻移
晚燕巢尤濕新篁擇未披若非求伴至誰復問棲遲

冬日衛樞至

冷話復長吟，俱非俗者心。
空齋留並宿，幾度夢相尋。
鳥亂槐枝折，烟微雪氣侵。
如何急前去，羸馬萬山深。

偶書

閒看是斯文，無秦擬自焚。
病來兼萬事，休去負深雲。
直語時多忌，幽俗不分如何麋。
與鹿猶此傍人羣。

中峯行樂却望北山因而成咏

拂石玩林壑，曠然空色秋。
歸雲帶層巘，踈葦際滄洲。
固自堪長往，何為難久留。
庶將濠上想，聊作剡中遊。
將歸四明夜，坐話別任君。

酒酣相向坐，別泪濕吟衣。
半夜月欲落，千山人憶歸。
亂塵終古在，長瀑倚雲飛。
明日重携手，前期易得違。

和梅聖俞雪中同虛白上人來訪

湖上玩佳雪，相持惟道林。
早烟村意遠，春漲岸痕深。
地僻過王徑，人閑試五禽。
歸橈有餘興，寧復北山陰。

和黃元與季父見訪

積水凝懸館，船寬或結樓。
一窓方寄傲，二巷忽同遊。
怨慕採菱曲，蒼茫拾翠洲。
微風起蘋末，歸路滿清愁。

和史宮贊

門對遠岑青，常時亦懶扃。
久貧慚嗜酒，多病負窮經。

鶴迹秋偏靜松陰午欲亭蜀莊何足問惟解似沉冥
和天竺慈雲大師

林表飛來色猶憐久卜鄰沁洄一水路夢想五天人
謝絕空園草沉溟滿几塵暮雲如有得寧謝寄聲頻
和朱仲方送然杜師無為還歷湯

歸路過東閔行一錫間破林霜後月孤寺水邊山
頂笠衝殘葉腰裝歇暮灣香灯旧吟杜清思逐師还

和酬杜從事題壁

弭蓋入衡宇相看情獨深簾疎秋樹色老大故人心
佳話頻移晷清標幾拂襟寥然長卿壁題此比兼金

夏日寺屋和酬葉次公

午日猛如焚清涼愛寺軒鶴毛橫薛陣蟻穴入莎根
社信題茶角樓衣笕酒痕中餐不勞聞筍菊淨盤罇
僧院夏日和酬朱仲方

一院掩蕭森晨涼又夕陰鶴應輸靜立蟬合伴清吟
著壁雲衣重通簾竹翠深卧屏來看否天姥雪千尋
送長吉上人

囊集暮雲篇行行肯廢禪青山買未暇未闕去隨緣
茗試幽人井香焚賈客船淮流遲新月吟玩想忘眠
懷長吉上人北遊

青山日已遠香裊漸多塵應愛淮流上聊逢月色新
孤禪安逆旅警句語誰人復有傷離客中林病過春

春日送素成進士北歸

春潮上海門歸鴈遠行分千里倦行客片帆還送君
酒波欺碧草歌疊裏晴雲來歲東堂桂聊酬一戰勛

送茂才馮彭年赴舉

相送不覺遠離亭寒日斜川途分野色僮御想京華
背水當公戰凌雲屬賦家前春得意處酣燕上林花

送史殿省典封州

馬援疏蠻邑銅標何可窮人烟時亦有海色自如空

髭髮拖分白旌旗瘴戴紅惟應恃疑藥罷都在酒醪中

送王舍人罷兩浙憲赴闕

上問還旌節明廷覲冕旒清溪傾綺席蠹簡壓歸舟
遠俗今無訟閑田亦有秋公期論爵賞當拜富民侯

送昱師赴請姑蘇

同載闔閭人衣囊覆氎巾新烟赤岸暝融雪太湖春
鍾遠移齋候香遲上定身當知舉如意寶地雨花頻

送皎師歸越

林間久離索忽忽望西陵靜戶初聞扣歸舟又說登
野烟含樹色春浪疊沙稜幸謝雲門路同尋苦未能

送越倅楊屯田赴闕

越中分治罷山水別來初詩景多留石船痕半載書
野程江樹遠公讌郡樓虛看塞巖徐召清風滿直廬
送思齊上人之宣城

林嶺藹春暉程入翠微泉聲落坐石花氣上行衣
詩正情懷澹禪高論語稀蕭閑水西寺駐錫莫忘歸
送僧機素還東嘉

康樂遺踪地言歸已有期江流富春闊山沓括蒼危
錫潤飛晴靄羅寒瀟浙東巖有函石應許折松枝
送僧休復之京師

金錫指歸帆

曉風春江片席遠松月一房空

新句別離後舊山寃夢中到京當袖刺館閣盡名公
送僧之姑蘇

被請閭門寺扁舟積水遙幾程衝臘雪一飯泊村橋
岑色晴空暎檀烟遠吹飄公台悉餘鎮講罷即相招
送聞義師謁池陽郡守

渺渺大江流汭過幾州登艦忽此別振錫未嘗遊
九子尋真界千兵見假侯松枝談妙字鈴閣想遲留
寄思齊上人

松下中峰路懷師日日行靜鍾浮野水深寺隔春城

閣掩茶烟晚廊迴雪溜清當期相就宿詩外話無生
寄吳肅秀才

肄業寄僧房暑天湖上涼竹風過枕簟梅雨潤巾箱
引步青山影供吟白鳥行明年重訪舊身帶桂枝香
寄錢紫微

晞髮起初晨中丘謝病身空持白雲意遙贈紫微人
畫藪坊門遠蒼苔披署春元和舊文體當許繼清塵
寄清曉閣梨

前時春雪晴林壑趣彌清幾憶山陰講兼忘谷口耕
樹叢歸夕鳥湖影浸寒城還肯重相訪柴門掩杜衡

寄胡介

憶着胡居士長看古佛書衡門惟老母一飯共寒蔬
墨迹多圖鶴山名愛畫廬幾回曾會宿風雪滿庭除
寄孫仲簿公

低折滄洲簿無書整兩春馬從同事借妻怕罷官貧
道僻收閒藥詩高笑古人仍聞長吏奏表乞瑣廳頻
寄和昌符

家近太行居西歸壓一驢同儕多及第高論獨知書
名迹收藏遍公卿扣謁踈離愁不可寫蟬噪夕陽初
聞越僧灵皎遊天台山因而有寄

天竺秋重入招提，隔翠林幾回聞桂子。無復隔山陰，
峰曉雲衣破溪寒。石色深捫蘿，諸勝槩孤病負同尋。

寄曹南任懶夫

關門却坐忘一燼，隱居香午瀨。懷泉瀑秋耕，負曉岡
道深玄草在，貧久褐衣荒。料得心交者，微吟為楚狂。

途中田寄閻丘秀才

極目半秋色，此情聊慄慄。行人古道上，落日破村西。
劍飲無高會，驢遊困解携。祇因風與月，吾子有新題。

淮甸城居寄任刺史

擾擾非吾事，深居斷俗情。石莎無雨瘦，秋竹共蟬清。

劍在慵閑拂，詩難憶細評。寂然獨楷枕，淮月上山城。

寄輦下傳神法相大師

禁寺諸供奉，如師藝學稀。粉輕昏古本，羅重拆秋衣。
淨齋生餅暈，連陰長竹圍。筭應支遁馬，毛骨苦無肥。

寄臨川司理趙時校書

遠宦風波隔，歸期歲月頻。天形孤鳥晚，烟色大江春。
驛路向江郭，船檣留估人。高臺望不極，空使鬢華新。

寄祝長官

懷想與君勞，區區未劇曹。深心賴黃卷，垂老愧青袍。
臨事終存道，為詩轉近騷。廬江五畝宅，歸去亦蓬蒿。

寄茂才馮彭年

異代甘泉賦誰當頌太微無如摘藻妙所惜賞音稀
漸遠江關樹方單客子衣扁舟蟻何許霰雪暮霏霏
射弓次寄彭城四君

襟掩皂貂斜晴鞞嚮水涯箭翎沉白雪貼暈破微霞
氣為傍觀壯言因決勝誇細釵金捍殼更憶五侯家
贈金陵明上人

高柱似東林脩行歲月深講多刪舊抄齋早換幽禽
上國名流重諸方學者尋長因對清話山閣轉松陰
贈崔少微

賢才負聖朝終日掩衡茅尚靜師高道甘貧絕俗交
晒碑看壁蠹蒸木拾隣梢却憶揚夫子勞勞事解嘲

贈任懶夫

未肯求科第深坊且隱居勝遊携野客高卧看兵書
點藥醫閑馬分泉灌晚蔬漢廷無得意誰擬薦相如
知縣李大博替

惠愛復公清三年報政成絃歌敦雅俗桃李藹春榮
縣治嘗遊刃朝趨夕彩纓相門如有相他日願持衡
贈蔣公明

高亢近誰同心閑愛子慵居深避俗客睡起聽隣鐘

紙軸敲晴響茶鐺煑晚濃南齋屢招宿幽話數諸峯
喜馬先輦及第後見訪

肄業十年初蕭然此飯蔬何期桂枝客來訪竹林居
香炷看新誥塵痕拂舊書回軒應矍矍將與嶺雲踈

贈胡人

妻兒終擬棄舊識盡名賢高節嫌趨世常流笑學仙
金方燒易得星度算來玄祇說尋山去相期已數年

贈張繪祕教九題

詩將

風騷推上將千古聳威名子美嘗登拜昌齡合按行

瑠璃堂圖以王昌齡為詩夫子籠紗疑旆影擊鉢認金聲唱和知誰

敵長驅勢已成

詩家

風月騷人業相傳能幾家清心長有慮幽事更無涯
隱奧誰知到陵夷即自嗟千篇如可得聊擬當豪華

詩匠

詩流有匠手萬象片心通山落分題月花搖刻句風
勞形忘底滯巧思出樊籠唐律如刪正斯人合立功

詩筆

青鏤墨淋漓珊瑚架最宜靜援花影轉孤卓漏聲遲

題柱吾無取如椽彼一時風騷蕪草隸千古有人知

詩狂

岸幘都旁若窮搜無遁形寫嫌僧閣窄吟怕酒船停
絕頂寒曾上開門夜不扃興闌猶拍髀毫末視青冥

詩魔

花露濕晴春秋燈落燼頻只緣吟有味不覺坐勞神
寄遠情無極搜奇事轉新此魔降不得珍重五天人

詩牌

蠹方標勝槩讀處即忘歸靜壁懸虛白危樓釘翠微
清街時亦有絕唱世還稀一片題誰作吾廬水石圍

詩筒

樂天早與微之唱和常以竹筒貯詩往還

唐賢存雅製詩筆仰

朱諒

防閑遞去權應緊詩權出薛許昌封

迴債已還

詩債出賈司倉

帶班猶恐俗和節不妨山酒篋將

書簾誰言李孟間

詩壁

數題留粉堵還勝在屏風坐讀棊慵下眠看酒恰中
僧房秋色冷山驛晚陽紅更有栖遲句家徒一畝宮

閔師見寫陋容以詩奉答

顧我丘壑人煩師與之寫北山終日懸風調一何野
林僧忽焉至欲揖頃方罷復有條上猿驚窺未遑下

監郡太博惠酒及詩

塵事久謝絕園廬方晏陰鏗然郢中唱伸玩清人心
况復對樽酒百慮安能侵何以比交情松桂寒蕭森

送牛秀才之山陽省兄

之子詠陟岵別我歲時晏後夜失群鴻高天着行鴈
楚山遠近出江樹青紅間尊酒無足辭離愁滿行旻
有佳句云草泥行郭索雲木叫鈎輶考失全篇

重刊林和靖先生詩集卷之一終

重刊林和靖先生詩集卷之二

七言律詩

湖上隱居

湖水入籬山遠舍隱居應與世相違閑門自掩蒼苔
色來客時驚白鳥飛賣藥此嘗嫌有價灌園終亦愛
無機如何天竺林間路猶到秋深夢翠微

湖山小隱

二首

道着權名便絕交一峯春翠濕衡茆莊生已憤鷓鴣
赫揚子休譏蠅蜓嘲滴滴藥泉來石竇霏霏茶藹出
松梢琴僧近借南薰譜且併閑工子細抄

閑搭綸巾擁縹囊此心隨分識興亡黑頭為相雖無
謂白眼看人亦未妨雲噴石花生劍壁雨敲松子落
琴牀清猿幽鳥遙相叫數筆湖山又夕陽

西湖泛舟入靈隱寺

水天相映淡波溶隔水青山無數重白鳥背人秋自
遠蒼烟和樹晚來濃桐廬道次七里瀨彭蠡湖間五
老峯輟棹遲迴北未得上方精舍動疎鐘

湖上晚歸

卧枕船舫歸思清望中渾恐是蓬瀛橋橫水木已秋
色寺倚雲峯正晚晴翠羽濕飛如見避紅蕖香溺似

相迎依稀漸近誅茅地鷄犬林蘿隱隱聲

湖上初春偶作

梅花開盡臘亦盡春暖便如寒食天氣色半歸湖岸
柳人家多上郭門船文禽相並映短草翠澗歌生浮
嫩煙幾處酒旗出影下細風時已弄繁絃

西湖春日

爭得才如杜牧之試來湖上輒題詩春烟寺院敲齋
鼓夕照樓臺卓酒旗濃吐襟芳薰巖崿濕飛雙翠破
漣漪人間幸有蓑蕪笠且上漁舟作釣師

溪上春日

一池春水綠於苔水上花枝竹間開芳草得時依舊
長文禽無事等閑來年頻近老空多感風雅含情苦
不才獨有浴沂遺想在使人終日此徘徊

池上春日即事

鴛鴦如綺杜衡肥鷓鴣夷猶翠潏微但據汀洲長並
宿莫衝煙靄輒驚飛已輸謝客清吟了未忍山翁爛
醉歸釣艇自橫絲雨霽更從蒲篠媚斜暉

小園春日

草烟橫碧露華微乘興春園懶欲歸聚散有情輸蚨
蝶淺深無色比薔薇浮名莫惜千鍾貴急景須防百

歲稀一事不堪身衣褐且偷閑眼看芳菲

夏日池上

蓮香如綺細濛濛翡翠窺魚裊水萍卷箔未生單簟
月凭欄初過一襟風橫歌片石安琴薦獨倚新篁看
鶴籠沉李凍醪無寄與可憐蒲酒興誰同

西岩夏日

蕙帳蕭閑掩弊廬子真岩石坐來初為驚野鳥巢間
乳懶過隣僧竹裏居新溜迸涼侵靜語晚雲浮潤上
殘書何煩彊捉白團扇一柄青松自有餘

夏日即事

石枕涼生菌閣虛已應梅潤入圖書不辭齒髮多衰
病所喜林泉有隱居粉竹亞梢垂薄露翠荷差影聚
遊魚北窓人在羲皇上時為淵明一起予

隱居秋日

行藥歸來即杜門嘯臺秋色背人羣幽虫傍草晚相
暎遠水着烟寒未分高亢可能稱獨行窮空猶擬賴
斯文過從好事今誰是自笑何如揚子雲

秋日湖西晚歸舟中書事

水痕秋落蟹螯肥閑過黃公酒舍歸魚覺船行沉草
岸犬聞人語出柴扉蒼山半帶寒雲重丹葉踈分夕

照微卻憶清谿謝太傅當時未解惜蓑衣

城中書事

一門深掩得閑權純白遺風要獨全強接俗庸中反
道敢嫌貧病是欺天圓形古寺諳尋鶴照薛秋廊擬
疏玄從此免慙巖下者子真高興未蕭然

深居襟興六首

諸葛孔明謝安石畜經濟之才雖結廬南
陽携妓東山未嘗不以平一宇內躋致生
民為意鄙矣則不然胸腹空洞謏然無所
存置但能行樵坐釣外寄心於小律詩時

或鑿兵景持衡門清味則倒睨二君而反
有德色凡所寓興輒成短篇總曰深居雜
興詩六首益所以狀林麓之幽勝攄凡格
之閑曠且非敢求聲於當世故援筆以顯
其事云

隱居松籟細錚然何獨微之重碧鮮已被遠峯擎巘
巘更禁初月吐娟娟門庭極靜霖苔露籬援涼生裹
菊煙中有病夫披白搭瘦行清坐詠遺篇
四壁坦衣釣具腥已甘衡泌號沉冥冷倫近日無侯
白奴僕當時有衛青花月病懷看酒譜雲蘿幽信寄

茶經茅君使者蕭閑甚獨理叢毛向戶庭
薄夫何苦事姦姦一室琴書自解顏峯後月明秋嘯
去水邊林影晚樵還文章敢道長於古光景渾擬剩
卻閑多少烟霞好魚鳥令人惆悵謝東山
冉冉秋雲挹嘯臺一丘松竹是閑媒誰聞濟北傳兵
畧住說山東出相才樵褐短長披搯膝丹爐高下壘
懸胎三千功行無圭角可望虛皇九錫來

上書可有三千牘下筆曾無一日函閒卷孤懷背塵
世獨營幽事傍雲巖僧分乳食來陰洞鶴觸茶薪落
蠹杉未似周顛少負勝北山應免畧相街

松竹封侯尚未尊石為公輔亦云清華自合論
閑客玄默何妨事靜君鶴料免慚尸厚祿
茶功兼儼策元勛幽人不作山中相且擁圖書卧白雲

襟興四首

短褐蕭蕭頂幅巾擁書纔罷即頻呻耕樵可似居
山者飲饌長如病酒人閉戶不無慵客焚香除
是靜朝貞前賢風槩聊希儼一刺偏多并大春
散帙揮毫總不忤病懷愁緒坐相兼苔痕作意生秋
壁樹影無端上古簾一壑等閑甘汨汨五門平昔避
炎炎惟應數刻清涼夢時曲顏肱興未厭

湖上山林盡不如霜天時候屬園廬梯斜晚樹收紅
柿筒直寒流得白魚石上琴尊苔野淨籬陰鷄犬竹
叢疎一闌兼是和雲掩敢道門無卿相車
掉臂何妨入隱淪高賢應總貴全真次山有以稱聲
叟魯望兼之傳散人拂水遠天孤榜晚夾村微雨一
犁春不知圖畫誰名手狀取江湖太古民

孤山後寫望

水墨屏風狀總非作詩除是謝玄暉溪橋裊裊穿黃
葉樵斧丁丁斫翠微返照未沉僧獨往長煙如淡鳥
橫飛南峯有客鋤園罷閑倚籬門忘卻歸

孤山寺端上人房寫望

底處憑闌思眇然，孤山塔後閣西偏。
陰沉畫軸林間寺，零落茶枰葑上田。
秋景有時飛獨鳥，夕陽無事起寒烟。
逢留更愛吾廬近，祇待重來看雪天。

山閣偶書

逸舍青山看未足，故穿林表架危軒。
但將松籟延佳客，常帶嵐霏認遠村。
吳榜自能凌汰湘，纍何苦屬芳蓀。
餘生多病期怡養，聊此棲遲一避喧。

孤山寺

雲峯水樹南朝寺，祇隔叢篁作並隣。
破殿靜披壑口

古齋房開試酪奴，春白公睡閣幽如畫。
張祐詩牌妙入神，乘興醉來拖木突。
翠苔蒼蘚石磷磷。

西湖

混元神巧本無形，匠出西湖作畫屏。
春水淨於僧眼碧，晚山濃似佛頭青。
纒檀粉堵搗魚影，蘭杜煙叢閣鷺翎。
往往鳴榔與橫笛，細風斜雨不堪聽。

平居遣興

有甚餘閑得解嘲，高慵時把几程敲。
早收晚鳥沉幽語，歷刺幽篁露病梢。
草野交遊披褐見，神仙書史點朱抄。
皇朝不是甘逃遁，爭向心加許與巢。

山谷寺

繞入禪林便懶還，眾峯深壑共孱顏。
樓臺冷簇雲蘿外，鐘磬晴敲水石間。
茶版手擎童子淨，錫杖肩倚老僧閑。
獨孤房相碑文在，幾認題名拂蘚斑。

峽石寺

長淮如練楚山青，禹鑿招提四畫屏。
數崦林蘿攢野色，一崖樓閣貯天形。
燈驚獨鳥迴晴塢，鐘送遙帆落晚汀。
不會剃頭無事者，幾人能老此禪扃。

池陽山店

數家村店簇山旁，下馬危橋已夕陽。
驚鳥忽衝谿谿靄

破暗花開墜，墜風香時。間盤泊心猶戀，日後尋思興必狂。
可惜迴頭一聲笛，酒旗斜曳出踈篁。

寺居

浩然中杖立，秋鐘院舍門。門細逕通栢子，有茅生塔地。
鶴毛無響墮，廊風閑棲已。合稱高士清論，除非對遠公不厭浮塵。擬何了片心難舍，此緣中。

采不山

危閣閑登日漸曛，整屏晴雨枕江濱。
秋稜瘦出無多寺，古翠濃連一半雲。
坐臥不拋輸釣叟，往來長見屬鷗羣。
翻然卻恠宣城守，是甚移將李白墳。

易從上人山亭

湖水江灣隔數峯籬門和竹夾西東閑來此地行無
厭又共吾廬看不同靈隱路歸秋色裏招賢菴在鳥
行中屏風若欲相攬見合把巉巖與畫工

園池

一逕衡門數畝池平湖分張草舍滋微風幾入扁舟
意新霄難忘獨繭期島上鶴毛遺野迹岸旁花影動
春枝東嘉層有名今在獨媿憑闌負碧漪

林間石

入夜跣趺多待月移時箕踞為看山苔生晚片應知

靜雲蓮秋根合見闌瘦鶴獨隨行藥後高僧相對試
茶間踈篁百本松千尺莫恠頻々此往還

黃家莊

黃家莊畔一維舟總是沿流好宿頭野興幾多尋竹
逕風情些小上林樓逢村雨暗鳴寒犢淺渚沙平下
晚鷗更有錦帆荒蕩事茫茫隨分起詩愁

過蕪湖縣

詩中長愛杜池州說著蕪湖是勝遊山掩縣城當北
起渡衝官道向西流風稍檣網初下雨擺魚薪市
未收更好兩三僧院舍松衣石山幽

無為軍

掩映軍城隔水鄉人煙景物共蒼々酒家樓閣搖風
旆茶客舟船簇雨檣殘宿遠砧聞野墅老苔寒檜看
僧房狎鷗更有江湖興珍重江頭白一行

出泉水驛

曉城寒水共蕭々濕碧吹青路一條煙靄濃間出山
驛林蘿深裏過溪橋閑情謾會吟兼盡隱事猶輸釣
與蕉多謝孤村人落外酒旗風急更相招

淮甸南遊

幽勝程々擬徧尋不妨淮楚入搜吟蘚莎籬落谿莊

靜松竹樓臺塢寺深數抹晚霞憐野笛一篩寒水羨
沙禽腰間組綬誰能愛時得閑遊是此心

耿濟口舟行

環迴幾合似江干刺眼詩幽畫狀難沙觜半平春晚
濕水痕無底照秋寬老霜蒲葦交千刃怕雨鳧鷗着
一攢擬就孤峯寄簑笠舊鄉漁業久凋漫

留題李休山居

俗口喧々利與名到君風品即難憑曾將五老開秋
夢只愛南薰是正聲鳥戀藥棚長獨立樹欺詩壁半
旁生公車便不能徵出搔首吾皇負聖明

園廬

柴閨寒井對蕭辰自愛栖遲近古人閑草徧庭終勝
俗好書堆案轉甘貧橋邊野水通漁路籬外青山見
寺隣懶為躬耕詠梁甫吾生已是太平民

安福縣途中作

詩景紛拏且按鞭壞橋危磴已鳴泉雲根道店多沽
酒山崦人家亦種田各鳥驚啼衝宿雨野梅愁絕閉
寒煙玉梁閣皂堪行徧回得臨江郎上船

雪三首

瓦溝如粉疊樓腰高會誰能解酒貂清夾曉林初落

索冷和春雨轉飄蕭堪憐雀避來閑地最愛僧衝過
短橋獨有閑閑孤隱者一軒貧病在顏瓢

濕飄乾墮著谿林陣猛花尖聚砌陰曉沫平隨茶筋
薄凍痕全共藥鋤深慵多只好披詩看狂甚無如叩
几吟更想天山兩三騎臂鷹拳蹬簇駸

皓然窓戶曉來新畫軸碑廳絕點塵洛下高眠應有
道山陰清興更無人寒連水石鳴漁墅猛共松篁壓
寺隣酒喝已醒時味薄獨援詩筆得天真

春陰

似雨非晴意思深宿醒牽引卧春陰苦憐燕子寒相

並生怕梨花晚不禁薄薄簾幃欺欲透遙々歌管壓
來沉北園南陌狂無數只有芳菲會此心

秋懷

惠連初擬賦秋懷病束慵纏幾未諳濕葉墮丹明晚
塹破雲施粉露晴惟先甘衰落歸雙鬢已覺清涼入
百骸試枕離騷校閑品竹烟杉籟滿蕭齋

山園小梅二首

衆芳搖落獨暄妍占盡風情向小園疎影橫斜水清
淺暗香浮動月黃昏霜禽欲下先偷眼粉蝶如知合
斷魂幸有微吟可相狎不須檀板共金尊

剪綃零碎點酥乾向背稀稠畫亦難日薄從甘春至
晚霜深應怯夜來寒澄鮮祇共隣僧惜冷落猶嫌俗
客看憶着江南舊行路酒旗斜拂墮吟鞍

又詠小梅

數年閑作園林主未有新詩到小梅摘索又開三兩
朶團欒空遠百千迴荒隣獨映山初盡晚景相禁雪
欲來寄語清香少愁結為君吟罷一啣杯

梅花

吟懷長恨負芳時為見梅花輒入詩雪後園林總半
樹水邊籬落忽橫枝人憐紅艷多應俗天與清香似

有私堪咲胡雛亦風咏解將聲調角中吹

又二首

幾回山脚又江頭
遠着孤芳看不休
一味清新無我愛
十分孤靜與伊愁
任教月老應微見
却為春寒得少留
終共公言數來者
海棠端的免包羞

小園烟景正凄迷
陣寒香壓麝臍
湖水倒窺疎影
連屋簷斜入一枝
低画名空向閒時
看詩俗休徵
故事題慚愧黃鸝
似蝴蝶只知春色在桃溪

杏花

蓓蕾枝梢向點乾
粉紅腮頰露春寒
不禁烟雨輕凝

着只好亭臺愛惜看
隈柳旁桃斜欲墜等鶯期蝶猛
成團京師巷陌新時後
賣得風流更一端

桃花

柳墜梅飄半月初
小園孤榭更庭除
任應雨杏情無別
最與烟篁分不踈
比並合饒皮博士

皮日休有詩

形相

偏屬薛尚書

薛能

有詩薄紅深茜尖
葉亦有愁腸未負渠

山舍小軒有石竹
二叢開然秀發因成二章

麝香眠後露檀勻
綉在羅衣色未真
斜倚細叢如有恨
冷搖踈朵欲生春
階前紅藥推詞客
籬下黃花重古人
今日含毫與題品
可憐殊不愧清新

青簾有酒不妨賒素壁無詩未足奢所重晚芳猶在
目可開秋色易為花深枝弄粧溪翠碎片英剪
海霞莫管金錢好行市寂寥相對是山家

新竹

粉環勿束綠沉槍裊露差烟燮長卷箔乍驚雙眼
健倚闌尋覺百毛涼齊披古錦圍山閣背迸寒犀過
寺墻堪咲粉根蒼翠者強顏如立少年塲

榮家鶴

種莎池館久淹留品格堪憐絕比儔春靜棊邊窺野

客雨寒廊底夢滄洲清形已入僊經說冷格曾為古
畫偷數啄稻梁無事外報言雞雀懶迴頭

百舌

柳條初重草初肥煙濕園林晚未稀百種堪憐巧言
語一般惟欠好毛衣欺凌紅杏從頭宿諷刺黃鸝趁
背飛誰道闐闐便多事更能緘默送芳菲

蝶

細眉雙聳敵秋毫冉芳園日幾遭清宿露花應自
得暖爭風絮欲相高情人歿後魂猶在傲吏齊來夢
亦勞閑掩遺編苦堪恨不并香草入離騷

病中二首

坐釣行樵那不倦尋雲看月亦應勞煩襟入夜權宜
減瘦格乘秋斗頓高猿下任窺煎藥鼎客來慵動碾
茶槽牀頭卧架直閑却免有情慘揭掉騷
遺編坐罷披三豕小軸行當倦伍禽廉肆有徵常遇
困刀圭無狀為攻深長卿有渴應難柰玄晏清羸已
不禁約縛隱囊聊閣膝忘懷未得是微吟

重刊西湖林和靖先生詩集卷之二終

重刊林和靖先生詩集卷之三

七言律詩

送范仲淹寺丞

林中蕭寂款吾廬疊、猶欣接緒餘去掉看當辨江
樹離尊聊為摘園蔬馬卿才大常能賦梅福官卑數
上書黼座垂精正求治何時條對召公車

送史殿丞之任封州

災方將命選朝倫治行何嘗下古人擁旆肯辭臨遠
郡登艦還喜奉慈親水連芳草江南地煙隔寒梅嶺
上春若過中途值歸鴈慰懷能與致音塵

送史官贊蘭溪解印歸闕

社若萋々天似水一檣風信快吟懷春坊冠蓋還朝
籍寶婺谿山別縣齋訪舊約僧登北固破程乘月宿
清淮東南出宰才居最疇為言揚向玉階

送馬程知江州德安

酒酣無復耿離腸一路之官盡水鄉公解寒生對廬
阜客帆風定泊潯陽陂涵洲渚初收潦露浥蒹葭未
作霜到日何人先刺謁二林開士在琴堂

送楚執中隨侍入蜀

嚴君將命之邛蜀令子和家且待行洛汭好山歸別

業江南芳草動離情詩題寺壁雲根潤書檢松窓野
色明他日林間無所望只求金榜看嘉名

送馬程負外之任烏江

空色青蒼寒日明遲々携手出柴荆長貧少得交游
者漸老不禁離索情去路浦帆當晚落到官江草已
春生州監縣尹多才識當念吾宗負大名

送趙時校書之任臨川司理

南國古來風物好早時游覽發登臨青山滿路人家
遠丹橋隔江秋色深官况暫應勞折獄病懷終日重
分襟三年解罷當求試多草新文慰我心

送吳秀才赴舉

一戰詞場定策勛麻衣西笑仕紛紛風神已負青雲氣
藝業兼驚白地文輦下春華期縱轡野中林色惜
離羣明年新榜看見第甲嘉名且認君

送陳縱之無為軍

淮天時節少春寒幾蒂梅花雪欲殘水次軍城囊劍
入雨餘村隍銜驢看名緣未出知誰異道為深窮亦
自難第一京師早西入廟廊題字可無韓

送文光師遊天台

天姥山深搖錫杖野芳春翠共歲蕤松門過水無重

數石壁看霞到盡時閑避鳥啼應作觀忽聞人迹自
留詩秦中河朔嘗遊覽莫恨此方行脚遲

贈胡明府

一琴牢落倚松窓孤澹無君得趣長謁廟有時封縣
版坐衙終日着公裳為收牌印教村僕偶檢圖書見
古方徵足稅狼人更靜卻搯吟策立秋廊

贈當塗朱仲敏

甚與時流道不同南朝臺閣是家風高閑几格圖書
畔冷澹門庭樹石中因寄詩牌尋勝景擬投文卷數
名公榮登顯達他年後應笑冥冥弋者鴻

舒城僧舍呈贈李仲宣文學

竹深淮寺雪蕭騷一壁寒燈伴寂寥瘦盡骨毛終腰
裊蝕來鋒刃轉豪曹宦情冷落詩中見談態軒昂酒
後高莫為無辜惜才術聖明求治正焦勞

贈錢唐邑長高秘校

幾萬人家山水中為官古雅少人同疎簾衙退卷花
軸曲檻客來憑竹風唯道簿書多傍俗自憐琴酒未
妨公等閑呵出郭門近輕棹逸湖尋佛宮

喜皎然師見訪書贈

金錫鏘然歎蠹閔雲臺濃渚對跳巒清如霜月三五

夕瘦似煙篁一兩竿舊社久拋魂夢破近詩纔舉骨
毛寒池軒夜靜且留宿徃徃自將秋籟彈

寄解州李學士

解梁賢守古難同張蓋垂鞭自士風館職久銜踈舊
地郡符重剖枉名公印廳孤坐琴尊外鈴閣清談易
老中聞演絲綸徵詔近相如文學動天聰

寄薛學士曹州持服

飛徵偶未下天衢古郡寬閑且寄居曾許布衣通一
刺每留蔬食看群書高齋已想閑丹竈清夢誰同話
直廬江外敢知無別許只携琴鶴聽新除

寄傅霖

葛蔓煙枯束六經高廉渾與昔賢停黃牙稚子跨牛
犢白眼山人識劍形寒睡草旁林酒牡曉思河曲雨
槎腥傳聞曾說平生事不要清朝夢武丁

寄岑迪

時黜官居曹州

久辜才術向吾朝公罪應該洗雪條佐邑舊曾居府
寺轉官新合入京條門庭冷落閑中住僮僕生疎賤
價招別後交遊定相憶酒燈棊雨幾清霄

寄彭門梁進士

退隱無山進乏媒杜門芳草與蒼苔貧為吾道應閑

命達似他途亦是才人靜合尋衙北寺野涼還上郭
西臺江干昨夜情多少風雨吹燈一夢迴

曹州寄任獨復

交結文章盡世驚城中幽隱更無營敢將古道為吾
事耻對常流語子名秋思病彈曾獨聽太玄閑寫待
誰評清朝故實蒲輪在合為高賢下帝京

山中寄拾葉秀才

夜鶴曉猿時復聞寥々長似耿離群月中未要恨丹
桂嶺上且來看白雲棋子不妨臨水着詩題蕪好共
僧分新憂他日榮名後難得幽栖事靜君

嘗茶次寄越僧靈皎

白雲峯下兩槍新
膩綠長鮮穀雨春
靜試恰如湖上雪
對嘗兼憶剡中人
瓶懸金粉師應有
筋點瓊花我自珍
清話幾時搔首後
願和松色勸三巡

寄宣城宗言姪

春水幽波綠渺瀰
江南芳草又離離
謝家元住青山
丹桂枝衣下香囊
非爾好牀頭詩卷
慰所思

事坐卧無如一室閑
誰伴錫痕過寐歷
自憑茶色對孱顏
忘機亦有龐居士
園井蕭疎病掩關

寄呈張元禮

君棲枳棘官將滿
我住蓬蒿歲正窮
駟馬交遊從此少
一瓢生事不勝空
衡門但枕盈水群
木方搖撼撼風若念
故人兼久病公餘無
惜寄詩筒

寄玉梁施道士

子雲遺跡住丹房
天鼓時聞數叩霜
真景截波尋鐵柱
恠書披月看銅墻
盈顙氣朝胎息熠
辰輝夜步網大靜
入來諸事罷靈蕪
盤穗卷良常

寄太白李山人

顏如童子髮如鬢，卜築深當太白西。
身上只衣簾直，掇馬前長帶古偏提。
鷗鵬懶擊三千水，龍虎閑封六一泥。
幾度枕肱人迹外，半窓松雪論天倪。

歷陽寄金陵衍上人

薜暈莎叢古石房，寺和松竹背秋岡。
騷吟未斷雲生榻，梵偈重開月照香。
五老舊遊應悄默，六朝閑事肯悲涼。
西州獨客心搖甚，抹碧江天鳥一行。

春日寄錢都使

桃花枝重肉紅垂，萱草抽苗抹綠肥。
正語暖鶯風細

細著雙寒燕兩稀，亭臺物景兼蘿絮。
宅院時情漸夾衣，指肯挾肩行樂事。
不甘離索向芳菲。

寄題歷陽馬仲文水軒

占得幽居近郭西，水軒風景獨難齊。
烟含晚樹人家遠，雨濕春風燕子低。
紅燭酒醒多聚會，粉牋詩就幾招携。
旅遊今日堪搔首，搖落山城困馬蹄。

暮春寄懷曹南通任寺丞

跌宕情懷每事同，十年曹社醉春風。
彈弓園圃陰森下，棊子廳堂窅靜中。
赤脚我猶無一婢，黑頭君合作三公。
江湖今日還勞結目送，歸飛點點鴻。

和西湖霽上人寄然社師

竹下經房號白蓮，社師高行出人天。
一齋巾拂晨鐘次，數禮香燈夜像前。
瞑目幾閑松下月，淨頭時動石盆前。
西湖舊侶因吟寄，憶着深峯萬二年。

和陳湜贈希社師

瘦靠闌干搭梵襟，綠荷階面雨花深。
迢迢海寺浮杯興，杳杳秋空放鶴心。
齋磬冷搖松吹，禰定燈孤坐竹風。
侵鏘更有金書偈，祇許龍神聽靜吟。

追和彭城太尉夏月寄題湖上湛源太師房
碧蒲紅蓼白蓮房，一片欒欂撼水光。
海隼空聞有派

絕山中休道更清涼，驚飛翡翠當軒鳥。
裹過社檀別院香，寂愛晚天吟枕上好雲。
遙聳數峯長。

集賢李建中工部嘗以七言長韻見寄感存
懷沒因用追和

清絕門墻冷似冰，野人懷別昔曾登。
新題對雨分蕭寺，舊夢經秋說杜陵。
貧典郡符資月給，老持臺憲減霜稜。
開元文字鍾王筆，惆悵臨風一燼燈。

和酬周啓明賢良見寄

治世誰能弔屈平，且披湘帙散幽經。
陽春盡吐芊芊草，霄極長垂兩兩星。
半壁烟嵐圖太華，一筇風雪訪


支硎雅吟為惠將何比明月珊瑚海氣腥


酬畫師西湖春望

笛聲風煖野梅香湖上憑闌日漸長一樣樓臺圍佛
寺十分煙雨簇漁鄉鷗橫殘葑多成陣柳映危橋未
着行終約吾師指芳草靜吟閑步岸華陽

畧秀才以七言四韻詩為寄輒敢酬和幸
惟采覽

本無高亮似陽城但愛松風入耳聲五畝自開林下
隱一尊聊敵世間名交談不遠樵農客弄翰慵誇子
墨卿異日青冥肯廻顧夫君門族舊和羹





聞靈皎師自信州歸越以詩招之

天師蒼翠橫金錫地藏清涼掩竹扉千里白雲隨野
 步一湖明月上秋衣詩尋靜語應無極琴弄寒聲轉
 入微我亦孤山有泉石肯來松下共忘機

復賡前韻且以陋居詫而誘之

畫共藥材懸屋壁琴兼茶具入船扉秋花挹露如紅
 粉水鳥衝烟濕翠衣石磴背穿林寺近竹烟橫點海
 山微百千幽勝無人見說向吾師是洩機

詩招南陽秀才

莫因公薦偶失意便擬飄蓬作旅人志壯任存題柱

事病多爭向倚門親危堤柳色休傷別上苑杏花長
自春况有西湖好山水歸來且濯錦衣塵

謝馬程先生輩惠蜀牋

數幅丹霞夾白雲封題何事寄幽人
虧君視草禁中客乞我浣花谿上春
且與巾箱為玩好更無篇什寫
清新我來卧病還多感一筆蛛絲滿硯塵

讀王黃州詩集

坐吟行看對清秋懶架仍移近枕頭
放達有唐惟傳縱橫吾宋是黃州
左遷商題無數三入承明未休
紅藥紫薇千一古又添楊子伴牢愁

讀种先生丁密諫詩

舊草閑看即自卑聖朝空道若於詩
高才眩望如明送新句無因似謂之
淮甸月華歌枕靜秣陵春色按
鞭遲邯鄲獨步西施笑落得星々
兩鬢絲

喜姪宥及第

新榜傳聞事可驚單平於爾一何榮
玉階已忝登高第金口仍教收舊名
聞喜宴遊秋色雅慈恩題記墨
行清巖扉掩罷無他意但羨靈蕪感
盛明

傷白積殿丞

吏散門墻轉寂然疏狂投分向生前
苦無名位高今

世空有文章出古賢遺傳得誰脩闕下孤墳應只客
江邊池陽渺、堪垂睫奠罷秋枝一叫蟬

傷朱寺丞

妻女飄零五嶺頭為君南望涕橫流浮榮暫得衣朱
紱遠宦尋聞喪白州天與聲名還自折瘴侵編什有
誰收朝中文舊知多少應惜無兒似鄧攸

弔薛公墓

未第身魂歿帝京東還長欠奠幽靈遺文盡合編家
傳高行誰堪撰墓銘談柄寂寥塵久暗墨花荒廢草
空青三招不見山中濕擬畫軒昂太白星 三卷終

重刊和靖先生詩集卷之四

五言絕句

閱師自天台見寄石枕

斲石自何許枕之懷赤城空廬復蕙帳旦暮白雲生

西湖與性上人話別

秋山與湖水遠近如相送後夜宿扁舟知師有歸夢

送謝尉

試吏才未申食貧同古人何以贈行色一酌湖上春

贈中師草聖

行草得三昧林間嘗與語秋風忽捲衣別我之何所

送僧之京

皇城十二衢埃塵滿香域何以待歸期山中桂花色

七言絕句

孤山隱居書壁

山水未深猿鳥少此生猶擬別移居直過天竺溪流
上獨樹為橋小結廬

水亭秋日偶書

巾子峰頭烏臼樹微霜未落已先紅憑闌高看復低
看半在石池波影中

水軒

日於詩雅轉沉迷尤愛凭闌此覓題飄蕩楊花春意
晚黃鸝飛過水東西

池上作

簇、菰蒲映蓼花水痕天影蘸秋霞分明似箇屏風
上飛起鷓鴣一道斜

松徑

霜子落秋筇卓破雨釵堆地屐拖平不知呵止長安
客肯愛深穿冷翠行

竹林

寺籬斜夾千梢翠山徑深穿萬籜乾却憶貴家廳館

裏粧墻時畫數莖看

菱塘

含機綠錦分新葉滿匣青銅瑩古花最愛晚來鷗與
鷺宿烟翹雨便為家

蓮蕩

楚妃臯女一何多裳似芙蓉衣芰荷幾夕霏：烟靄
裏競窺清淺弄重波

葑田

淤泥肥黑稻秧青濶蓋深流旋：生儼倩湖君書版
籍水仙今佃老農耕

僧有示西湖墨本者就孤山左側林蘿祕邃

間狀出衡茅之所且題云林山人隱居謹書

二韵以承之

泉石年來偶結廬冷挨松雪瞰西湖高僧好事仍多
藝已共孤山入畫圖

孤山雪中寫望寄呈景山仙尉

瑤樹瑤岑略眼新
鷗時復鷗珠塵
此中自是蓬萊
闕何處更尋姑射人

春日齋中

空塔重疊上垣衣白晝初長社燕歸落盡海棠人卧

病東風時復動柴扉

山中寒食

方塘波綠杜衡青
布穀提壺已足聽
有客新嘗寒具罷
據梧慵復散幽經
氣象繞過一百五
且持春酒養衰年
中林不是不禁火
其柰山櫻發欲焚

易從師山亭

林表秋山白鳥飛
此中幽致亦還稀
西村渡口人烟晚
坐見漁舟兩兩歸

秋江寫望

蒼茫沙嘴鷺鷥眠
片水無痕浸碧天
最愛蘆花經雨後
一篷烟火飯魚舡

乘公橋作

晚峰橫碧樹梢紅
數榜漁罾水影中
憶得江南曾着屐
鉅焚名畫在屏風

宿姑蘇淨惠太師院

常愛人間此會稀
話長終夕重開扉
孤山猿鳥西湖上
懶對寒燈詠式微

偶書

一任塵欺古鹿盧
聖經窮爛更何圖
磻溪老叟能閑

氣八十封侯不似無

予頃得宛陵葛生所茹筆十餘筒其中復得
精妙者二三焉每用之如麾百勝之師橫行
於紙墨間所向無不如意惜其日久且弊作
詩上篇以錄其功

江南秋兔老毫踈數字鍾王尚賈餘因讀退之毛穎
傳可憐今日不中書

神功雖缺力終存架琢珊瑚欠策勛日暮閑窓何所
似灞陵憔悴故將軍

清河茂才以良筆并詩為惠次韻奉答

郊翰秋勁愈於錘筠管溫、上玉輝聊為夫君一栖
閣老來驚緩久知非

初夏

乳雀啁啾日氣濃雉來交影日重、秧田百畝鵝黃
大橫策溪村屬老農

秋日含山道中廻寄厯陽希然山人

村落人家捲入詩下驢盤薄立多時霜陂一掬清於
鑑漱着牙根便憶歸

晚春寄示茂才馮彭年

頭上酒巾為長物據梧微詠意無涯人生行樂知能

幾但見春風滿路花

山閣夏日寄黃大茂才

幾日無緣見升度令人鄙吝不能忘新篁繞閣薰風
細還肯時來納晚涼

錢塘仙尉謝君詠物樓成寄題一韻

仙人多在巖樵居况對西山爽氣餘若向湖濱屬佳
句莫忘秋水落芙蓉

寄上金陵馬右丞

專席項嘗居憲府擁旄尋亦別明庭金陵土著多蒙
賴分野三迴見福星

惠愛如春威似霜神明佳政藹餘杭集賢庭畔依々
柳無限行人比頌棠

盡道次公當入相江湖那肯久遲徊西湖春物空疑
意猶望方舟賞勝來

和唐異見寄

騷人新遺畔牢詞隱几微吟愧所知幾欲頌前論款
客可能林下訪樵遲

和才上人春日見寄

俗外多將雲作裝花前惟似醉為鄉瑤華伸玩情何
極高絕猶如登百常

寄題僧院庭竹

岑寂寶坊清夜月幾移踈影上踈趺更憐齋罷閑者
處一日還應不可無

寄蘭溪邑長史官贊

溪上紅蘭露泫華谿波浮動長人衙公餘即有扁舟
興幾弄潺湲到日斜

寄梅室長

君家先祖隱吳門即日追遊往事存若向明時奏飛
牘併將康濟息元

閔上人以鷺鷥二軸為寄因成二韵

閒颺粉絲荷葦外數聲惟欠叫秋陰虛堂隱几時懸
看增得滄洲趣更深

寄聞義閣梨

平昔常聞溪口路重山複水去無窮禪餘試問舟人
看幾宿還能到剡中

李翰林寄松扇及詩乃答之

編松為箒寄山中兼得紫微詩一通入手涼生殊自
慰耳頰長聽隱居風

和皓文二絕

李杜風騷少得朋將壇高築竟誰登林蘿窈窕湖山

好月下敲門只有僧

芳草誰能夢謝池但將心地喻摩尼千巖萬壑時相
憶明月清風兩自知

和王給事同諸宦留題

千兵款戶迂紅旆四壁留題拂紫苔他日北山傳故
事願將雲鶴比雲來

和蒙尉見寄

開尊且醉聖賢酒理棹時乘但暮風懶為躬耕詠梁
甫敢將高卧敵隆中

和酬周寺丞

門橫野水席凝塵束縕誰能問乞鄰除是平廬貴游
客中林時復訪幽人

和安秀才次晉昌居士留題壁石

岑寂衡門題鳳處嶺雲庭樹似無依湖濱佇立應相
望一信樵風晚未歸

和馬謝祕校西湖馬上

表裏雲山極目春據鞍時此避埃塵蒼烟樹悠々
水除却王維少登人

又和病起

展轉匡牀乍起來縹缸湘帙亦慵開三年一尉湖山

在誰識神仙本姓梅

荅謝尉得贄

牢愁慢散空堦雨
羈宦閒傷落日春
未似青河畔
草客亭長短送離人

荅潘司理

庭柯雪壓已如春
乘興山陰亦少人
岑寂園廬何所
對酒中賢聖藥君臣

載荅

官曹久已稱廉吏
田里時來顧散人
文戰談圍碁局
外絳侯何事號功臣

送僧遊天台

石梁天絕石城深
影落蒼冥幾萬尋
金策若迴聊為
說憫予終老愛山心

送陳日章秀才

閒却清尊掩縹囊
病來無故亦淒涼
江南春草舊行
路因送婦人更斷腸

送僧還東

中林昨夜待微月
因想謝公池上樓
何意師言石門
路一併還自上歸舟

送慈師北遊

鬱、蒲葦染水田渡淮間寄賈人舡知師一枕清秋
夢多為林間放鶴天

復送慈公還扁丘山

子、歸櫂五兩翻香林禪石抱雲根單囊憇罷還微

咲却是青山不出門

虎丘林壑多在寺禪之內

即席送江夏茂才

與君未別且酣飲別後令人空倚樓一點風帆若為
望海門平闊驚濤秋

送易師還金華

吟卷田衣歲向殘孤舟夜泊大江寒前巖百本長松

色及早回來帶雪看

送丁秀才歸四明

有似東浮滄海君乘槎泛、逐歸雲蛟綃市得能為
寄擬寫清真隱秘文

送謝氏昆仲歸閩中

清邵牙高雲與機林間文會忽相違南中草木正黃
落但羨冥鴻兩、飛

送遂良師遊天台

貝葉松枝想暫閒半囊乘興幾時還舡窓月上滄洲
遠應有詩題憶舊山

送式遵師謁金陵王相國

杯渡當過白露灘石城春氣尚微寒
公台謁罷如乘興試訪南朝事迹看

高牙熊軾隱鈴齋崇樹陰濃長綠苔
丞相望尊賓謁少清言應喜道人來

天竺孱顏暫掩扉講香浮穗上行衣
白猿聲裏生公石莫遣移文怨晚歸

送善中師歸四明

四明山水別多時老病心閒事
遠夢想西湖古蘭若又和秋色送僧歸

送人遊金山

水烟霜樹蠹層巒點破江心一簇寒
見說天多剩風月為予間上、方看

送然上人南還

携琴譜與詩稿寄卧舡窓一榻深
莫向雲中認江樹等閒驚起故園心

送人之蒼梧

側身南望但依、片席乘風去似飛
莫謂蒼梧在天末帝鄉看逐白雲歸

送有交師輦下

憑羅閒佩疊巾輕秋籟隨身指去程輦下大僚多好
事退朝誰着道衣迎

送大方師歸金陵

渺々江天白鳥飛石城秋色送僧歸長千古寺經行
了為到清涼看翠微

筆
監郡吳殿丞惠以筆墨建茶各吟一絕以謝之

犀利鋒鋷敵五兵
夢中清鏤未為靈
空山日午南窓暖
擬寫黃庭內景經

墨

青暈時磨半硯雲更將書貼拂秋塵
裹羸自顧空多感不是臨池苦學人

茶

石碾輕飛瑟瑟塵乳香烹出建溪春
世間絕品人難識閒對茶經憶古人

鳧

三々两々自相隨
擅頸回首艷艷衣
野水無波秋色淨
不知何事忽驚飛

猫兒

纖鈎時得小溪魚飽卧花陰興有餘
自是鼠嫌貧不

到莫慚尸素在吾廬

鳴臯

所養雀

臯禽名祗有前聞孤引圓吭夜正分一唳便驚寥沉
破亦無閒意到青雲

吻

所養鹿

深林撼々分行響淺葑茸々疊浪痕春雪滿山人起
晚數聲低叫喚籬門

小舟

舷低冷夏荷千柄底舫斜穿月半輪一笠一蓑人穩
坐晚風蕭颯弄青蘋

槐木紙椎

贈與周太初

入手輕軋是古槐幾聲清響徹池臺椎餘魚網如脂
滑時寫新詩肯寄來

先生將終之歲自作壽堂因書一絕以誌之

湖上青山對結廬墳頭秋色亦蕭疎茂陵他日求遺
稿猶喜曾無封禪書

拾遺

和運使陳學士遊靈隱寺寓懷

山壑氣相合早暮生秋陰松門韵虛籟錚若鳴瑤琴
舉目群狀動傾耳百慮沉按部既優游時此振衣襟
泓澄冷泉色寫我清曠心飄飄白猿聲答我雅正吟

經臺復丹井捫蘿常遍臨鶴蓋青霞映玉趾蒼苔侵
 溫顏煦稿木真性馴幽禽所以仁惠政及物一深
 洒翰璘珣璧返駕梅檀林回晚翠堵峰天半千萬尋
 題草 詞調點絳唇
 金谷年々亂生春色誰為主餘花落處滿地和烟雨
 又是離歌一闋長亭暮王孫去萋萋無數南北東
 西路

宋林和靖先生詩集卷之四終

和靖先生補

卷一

淮南遊

樹林蕪雨黑

聞葉初秀才東歸

口伎懷

鄉邑

諸一本並

偶書

幽懷

俗不分

送僧休復之京師

田衣獵曉風

卷二

過蕪湖縣

風稍檣破網初下

松衣石髮聞山幽

卷三

寄宣城宗言姪

謝家原住青山郭鄰氏近攀丹桂枝

牀頭詩卷媿

吾癡中林獨處仍多病早晚能來慰所思

寄西山勤道人

天竺山深桂子丹白猿嘯在白雲間死生不出千門

此十字

並題影寫
本均脫去
口略秀才諸本並缺一字

西湖孤山寺後舟中寫望以下四首影寫本全缺

天竺橫分景色寬
孤山背後泊船看
林藏野路秋偏靜
水映漁家晚自寒
拂拂烟雲初淡蕩
蕭蕭蘆葦半衰殘
春鋤數點誰驚起
書破晴雲粉字乾

小隱

魯望無來已百年
又生吾輩在林泉
誰知隱遯為高尚
敢道文章到聖賢
月界曉窗琴嶽潤
竹搖秋杙墨雲鮮
南塘一霎霏微雨
更擁漁蓑上釣船

梅花二首

宿靄相粘凍雪殘
一枝深映竹叢寒
不辭日日旁邊立
長

願年年未上看
藁訝粉綃裁
太醉蒂疑紅蠟綴
初乾香筍獨酌聊為壽
從此群芳興亦闌

孤根何事在柴荆
村色仍將臘候并
橫隔片烟爭向靜
半粘殘雪不勝清
等閑題詠誰為愧
子細相看似有情
搔首壽陽千載後
可堪青草雜芳英

讀王黃州詩集
放達有唐惟白傳
左遷高嶺題無數

三八承明口未休
各一本字

